

Наманган вилояти
Адлия бошқармаси томонидан

2025 йил “ 3 ” февраль

303 -сон билан

“ДАВЛАТ РЎЙХАТИДАН
ЎТКАЗИЛГАН”



Наманган вилояти
“Импульс” жамоат фонди
Васийлик кенгашининг
2024 йил “17” апрелдаги
1-сонли қарори билан
“ТАСДИҚЛАНГАН”

“ИМПУЛЬС” ЖАМОАТ ФОНДИНИНГ

УСТАВИ

Наманган – 2024

“ИМПУЛЬС” ЖАМОАТ ФОНДИНИНГ

УСТАВИ

I.УМУМИЙ ҚОИДАЛАР.

1.1. “Импульс” жамоат фонди (бундан буён матнда “фонд” деб юритилади) юридик ва (ёки) жисмоний шахслар томонидан ихтиёрий мулкый бадаллар қўшиш асосида ташкил этилган, хайрия, ижтимоий, маданий, маърифий ёки бошқа ижтимоий фойдали мақсадларни кўзлайдиган, аъзолиги бўлмаган ҳамда ташкилий-ҳуқуқий шакли маҳаллий фонд бўлган нодавлат нотижорат ташкилотдир.

1.2. Фонд ўз фаолиятини Ўзбекистон Республикаси Конституцияси, Ўзбекистон Республикасининг “Нодавлат нотижорат ташкилотлари тўғрисида”ги, “Жамоат фондлари тўғрисида”ги, шунингдек бошқа норматив-ҳуқуқий ҳужжатлар ҳамда мазкур Устав асосида амалга оширади.

1.3. Фонд ўз фаолиятини ошкоралик, коллегиялик, ўзаро ҳурмат, тенг ҳуқуқлилик, ихтиёрийлик ва жамоат фикрини ҳисобга олиш, ижодий ҳамфикрлилик тамойиллари асосида юритади.

1.4. Фонд Наманган вилояти Адлия бошқармасидан белгиланган тартибда давлат рўйхатидан ўтказилганидан сўнг юридик шахс ҳисобланади.

1.5. Ўз фаолият мақсадларига эришиш учун Фонд бошқа юридик ва жисмоний шахслар билан шартномалар тузиши, мулкый ва шахсий номулкый ҳуқуқларга эга бўлиши ҳамда судда даъвогар ва жавобгар сифатида иштирок этиши мумкин.

1.6. Фонд ўз номига, муҳр ва штампларига ҳамда белгиланган тартибда Наманган вилояти Адлия бошқармасидан рўйхатдан ўтган рамзига, тегишли банкда ўз миллий ва валюта ҳисоб рақамларига ҳамда бошқа ўз фаолиятига зарур бўлган атрибутка ва реквизитларга эга бўлиш ҳуқуқига эга.

1.7. Фонд ўз фаолиятини Наманган вилояти ҳудудида амалга оширади.

1.8. Фонднинг фаолияти номуайян муддатга ташкил қилинган.

1.9. Фонд муассиси фонднинг мажбуриятлари бўйича жавоб бермайди, фонд эса муассисининг мажбуриятлари бўйича жавоб бермайди.

1.10. Фонднинг тўлиқ расмий номи:

Ўзбек тилида:

Лотин алифбосида – Namangan viloyati “IMPULS” jamoat fondi.

Кирилл алифбосида – Наманган вилояти “ИМПУЛЬС” жамоат фонди.

Рус тилида: Общественный фонд “ИМПУЛЬС” Наманганской области.

Инглиз тилида: Social fund “IMPULS” of Namangan region.

1.12. Фонднинг қисқартирилган расмий номи:

Ўзбек тилида:

Лотин алифбосида – Namangan viloyati “IMPULS” fondi.

Кирилл алифбосида – Наманган вилояти “ИМПУЛЬС” фонди.



Рус тилида: Фонд “ИМПУЛЬС” Наманганской области.

Инглиз тилида: Fund “IMPULS” of Namangan region.

1.13. Фонднинг доимий фаолият юритувчи раҳбар органи жойлашган ер (почта манзили): Янги Наманган тумани, Мингчинор М.Ф.Й., Оромгоҳ кўчаси, 31-уй.

1.14. Фонднинг раҳбар орган жойлашган ери ўзгарган тақдирда, бу ҳақда уни рўйхатдан ўтказган органга хабар беради.

II. ФОНДНИНГ МАҚСАД ВА ВАЗИФАЛАРИ

2.1. Фонд фаолиятининг асосий мақсади.

- Импульс тиббиёт институтида таҳсил олаётган талабаларнинг билим ва кўникмаларини ошириб боришга, тиббиёт соҳасида илмий тадқиқотлар олиб боришларига моддий ва маънавий кўмаклашиш;

- ижтимоий ҳимояга муҳтож оилаларга, кўп фарзандли оилаларга, ногиронлиги бўлган шахсларга, боқувчисини йўқотган, етим ва чин етим талабаларга агарда мазкур талабаларнинг ўзлаштириши Институт ички меъёрий ҳужжатларига асосан таълим сифатларига жавоб берса контракт тўловлари ва бошқа институт харажатларига моддий кўмаклашиш;

- иқтидорли талабалар ўртасида турли хил грантлар ташкил этиш, улар ўртасида анъанавий равишда ҳудудий ва Республика босқичларида билим салоҳиятини ошириб боришда ташкил этиладиган танлов ва тадбирларни ўтказишда моддий жиҳатдан кўмаклашиш;

- талабалар ва талабгорларни тиббиёт соҳасида стажировка, хизмат сафарлари ва талабаларни Ўзбекистон Республикаси ҳудуди ва чет элда магистр ва юқори илмий даражалар учун ўқишларида кўмаклашиш;

- Импульс тиббиёт институтида инновацион лойиҳаларни, янги таълим технологияларни, илмий техникаларни ва ўқув куролларини сотиб олиш ва улар билан боғлиқ харажатларга сарфлаш;

- институтни таълим ва илмий фаолият моддий баъзасини мустаҳкамлаш ҳамда институт инфратузилмаларини шакллантириш;

2.2. Фонд мақсадига эришиш учун қуйидаги вазифаларни амалга оширади:

- фонднинг мол-мулкларини хайр-эҳсон ҳисобига шакллантириш;

- бажарилаётган барча тадбир ва саховат ишларини ОАВда тарғиб этиш;

- ҳомийлар томонидан киритилган маблағларни ҳисоботини юритиш ва юритилаётган ҳисоботларни очиқлигини ва шаффофликни таъминлаш ва оммавий ахборот воситаларида эълон қилиб борилиши;

- ижтимоий ҳимояга муҳтож оилаларга, кўп фарзандли оилаларга, ногиронлиги бўлган шахсларга, боқувчисини йўқотган, етим ва чин етим талабаларни вилоят ҳокимлиги, шаҳар ва туман ҳокимликлари ва ўз-ўзини бошқарувчи органларда рўйхатда туришини аниқлаш, ижтимоий ҳолати ҳамда билим салоҳиятини ўрганган ҳолатда уларга маблағ ажратиш ва ажратилган маблағларни оммага эълон қилиб бориш;

